

百官公卿表七上

師古曰漢制三公號稱萬石其俸月各三百五十斛穀其稱中二千石者月各百八十斛二千石者百二十斛比二千石者百斛千石者九十

斛比千石者八十斛六百石者七十斛比六百石者六十斛四百石者五十斛比四百石者四十斛三百石者四十斛比三百石者三十七斛二百石者三十斛比二百石者二十七斛一百石

者十
六斛

漢書十九

正議大夫行祕書少監琅邪縣開國子顏師古注

易敘宓義神農黃帝作教化民

應劭曰宓義氏始作八卦神農氏為耒耜黃帝氏作衣裳神而化之使民宜之師古曰見易下繫宓

音伏字本作慮
轉寫訛謬耳

而傳述其官

師古曰春秋左氏傳載郊子所說也

已為宓義龍師名官

應劭曰師者長也以龍紀

其官長故為龍師春官為青龍夏官為赤龍秋官為白龍冬官為黑龍中官為黃龍張晏曰庖羲將興神龍負圖而至因以名師與官也

神農火師火名

應劭曰火

德也故為炎帝春官為大火夏官為鶉火秋官為西火冬官為北火中官為中火張晏曰神農有火星之瑞因以名師與官也

黃帝雲師雲名

應劭曰黃帝受命有

雲瑞故以雲紀事也由是而言故春官為青雲夏官為縉雲秋官為白雲冬官為黑雲中官為黃雲張晏曰黃帝有景雲之應因以名師與官也

少昊鳥師鳥名

應劭曰金天氏黃帝子青陽也張晏曰少昊之立鳳鳥適至因以名官鳳鳥氏為歷正玄鳥司分伯趙司至青鳥司開丹鳥司閉師古曰玄鳥燕也伯趙伯勞也青鳥鶡鷄也丹鳥鷩雉也

自

顓頊已來為民師而命已民事

應劭曰顓頊氏代少昊者也不能紀遠始以職事命官也春官為木正夏官為火正秋官為金正冬

官為水正中官為土正師古曰自此以上皆郊子之辭也

有重黎句芒祝融后土蓐收玄冥之官然已上

矣應劭曰少昊有四叔重為句芒脰為蓐收脩及熙為左冥顓頊氏有子曰黎為祝融共工氏有子曰句龍為后土故有五行之官皆封為上公祀為貴神師古曰上謂其事久遠也脰音該

書載唐虞之際命羲和四子應劭曰堯命四子分掌四時之教化也張晏曰四子謂羲仲羲叔和仲和叔也師古曰事見虞書堯典

順天文授民時咨四岳已舉賢材揚側陋師古曰四嶽分主四方諸侯者十有二牧采

遠能邇應劭曰牧州牧也師古曰柔安也能善也邇近也禹作司空平水土師古曰空穴也古人穴居主穿土為穴以居人也棄作

后稷播百穀應劭曰棄臣名也后主也為此稷官之主也師古曰播謂布種也皋作司徒敷五教應劭曰五教父義母慈兄友弟恭子

孝也師古曰高音先列反咎繇作士正五刑應劭曰士獄官之長張晏曰五刑謂墨則劓剕宮大辟也師古曰咎音皐繇音弋昭反墨鑿其頷而涅以墨也則斷

足也劓割鼻也剕去髓骨也宮陰刑也大辟殺之也垂作共工利器用應劭曰垂臣名也為共工理百工之事也師古曰共讀曰龔蓀作朕

虞育草木鳥獸應劭曰蓀伯益也虞掌山澤禽獸官名也師古曰蓀古益字也虞度也主商度山川之事伯夷作秩宗典三禮

應劭曰伯夷臣名也典天神地祇人鬼之禮也師古曰秩次也宗尊也主尊神之禮可以次序也夔典樂和神人應劭曰夔臣名也師古曰夔音鉅龜反龍

作納言出入帝命應劭曰龍臣名也納言如今尚書管王之喉舌也師古曰自此以上皆堯典之文夏殷亡聞焉師古曰言夏殷

置官事不見於書傳也禮記明堂位曰夏后氏官百殷二百蓋言其大數而無職號統屬也周官則備矣師古曰事見周書周官篇及周禮也天官冢

宰地官司徒春官宗伯夏官司馬秋官司寇冬官司空是為六卿

師古曰冢宰掌邦治司徒掌邦教宗伯掌邦禮司馬掌邦政司寇掌邦禁司空掌邦土也師古曰言百者舉大數也

分音扶太師太傅太保是為三公應劭曰師訓也傳覆也保養也師古曰傅相也蓋參天子坐而議

政無不總統故不曰一職為官名又立三少為之副少師少傅少

保是為孤卿與六卿為九焉記曰三公無官言有其人然后充之

師古曰不必備員有德者乃處之舜之於堯伊尹於湯周公召公於周是也或說司馬

主天司徒主人司空主土是為三公四岳謂四方諸侯自周衰官

失而百職亂戰國並爭各變異秦兼天下建皇帝之號張晏曰五帝自以德不及三皇

故自去其皇號三王又以德不及五帝自損稱王秦自以德衰二行故兼稱之立百官之職漢因循而不革師古曰革改也明簡

易隨時宜也其後頗有所改王莽篡位慕從古官而吏民弗安亦

多虐政遂以亂亡故略表舉大分師古曰分音扶問反以通古今備溫故知新

之義云師古曰論語稱孔子曰溫故而知新可以為師矣溫猶厚也言厚蓄故事多識於新則可為師

相國丞相應劭曰丞者承也相者助也皆秦官金印紫綬掌丞天子助理萬機秦有

左右荀悅曰秦本次國命卿二人是以置左右丞相無三公官高帝卽位置一丞相十一年更名相國緣

綬孝惠高后置左右丞相文帝二年復置一丞相有兩長史秩千

石哀帝元壽二年更名大司徒武帝元狩五年初置司直秩比二

千石掌佐丞相舉不法

太尉秦官

應劭曰自上安下曰尉武官悉以爲稱

金印紫綬掌武事武帝建元二年省元狩

四年初置大司馬

應劭曰司馬主武也諸武官亦以爲號

曰冠將軍之號

師古曰冠者加於其上其爲一官也

宣帝

地節三年置大司馬不冠將軍亦無印綬官屬成帝綬和元年初

賜大司馬金印紫綬置官屬祿比丞相去將軍哀帝建平二年復

去大司馬印綬官屬冠將軍如故元壽二年復賜大司馬印綬置

官屬去將軍位在司徒上有長史秩千石

御史大夫秦官

應劭曰侍御史之率故稱大夫云臣瓚曰茂陵書御史大夫秩中二千石

位上卿銀印青綬掌副

丞相有兩丞秩千石一曰中丞在殿中蘭臺掌圖籍祕書外督部

刺史內領侍御史員十五人受公卿奏事舉劾按章成帝綏和元年更名大司空金印紫綬祿比丞相置長史如中丞官職如故哀帝建平二年復爲御史大夫元壽二年復爲大司空御史中丞更名御史長史侍御史有繡衣直指服虔曰指事而行無阿私也師古曰衣以繡者尊寵之也出討姦猾治大獄武帝所制不常置

太傅古官高后元年初置金印紫綬後省八年復置後省哀帝元壽二年復置位在三公上

太師太保皆古官平帝元始元年皆初置金印紫綬太師位在太傅上太保次太傅

前後左右將軍皆周末官秦因之位上卿金印紫綬漢不常置或有前後或有左右皆掌兵及四夷有長史秩千石

奉常秦官掌宗廟禮儀有丞景帝中六年更名太常應劭曰常典也掌典三禮也師古曰太常

王者旌旗也畫日月焉王有大事則建以行禮官主奉持之故曰奉常也後改曰太常尊大之儀也屬官有太樂太祝太宰太史太

卜太醫六令丞又均官都水兩長丞服虔曰均官主山陵上橐輸入之官也如淳曰律都水治渠隄水門三輔黃圖云三

輔皆有都水也又諸廟寢園食官令長丞有廡太宰太祝令丞文穎曰廡主熟食

廡故特置太宰以下諸官師古曰如說是也雍右扶風之縣也太宰卽是具食之官不當復置饗人也五時各一尉又博士及諸陵縣

皆屬焉景帝中六年更名太祝爲祠祀武帝太初元年更曰廟祀

初置太卜

博士秦官掌通古今秩比六百石員多至數十人武帝建元五年

初置五經博士宣帝黃龍元年稍增員十二人元帝永光元年分

諸陵邑屬三輔王莽改太常曰秩宗

郎中令秦官臣瓚曰主郎內諸官故曰郎中令掌宮殿掖門戶有丞武帝太初元年更名

光祿勳應劭曰光者明也祿者爵也勳功也如淳曰胡公曰勳之言闕也闕者古主門官也光祿主宮門師古曰應說是也屬官有大夫郎謁者皆

秦官又期門羽林皆屬焉服虔曰與期門下以微行後遂以名官師古曰羽林亦宿衛之官言其如羽之疾如林之多也一說羽所以爲王者羽翼也

大夫掌論議有太中大夫中大夫諫大夫皆無員多至數十人武

帝元狩五年初置諫大夫秩比八百石太初元年更名中大夫爲

光祿大夫秩比二千石太中大夫秩比千石如故郎掌守門戶出

充車騎有議郎中郎侍郎郎中皆無員多至千人議郎中郎秩比

六百石侍郎比四百石郎中比三百石中郎有五官左右三將秩

皆比二千石郎中有車戶騎三將

如淳曰主車曰車郎主戶衛曰戶郎漢儀注郎中令主郎中左右車將主左右車郎左右戶將

主左右戶郎也秩皆比千石謁者掌賓讚受事員七十人秩比六百石有僕

射

應劭曰謁請也白也僕主也

秩比千石期門掌執兵送從武帝建元三年初置比

郎無員多至千人有僕射秩比千石平帝元始元年更名虎賁郎

師古曰賁讀與奔同言如猛獸之奔置中郎將秩比二千石羽林掌送從次期門武帝太

初元年初置名曰建章營騎後更名羽林騎又取從軍死事之子

孫養羽林官教召五兵號曰羽林孤兒

師古曰五兵謂弓矢戔矛戈戟也

羽林有令丞

宣帝令中郎將騎都尉監羽林秩比二千石

僕射秦官自侍中尚書博士郎皆有古者重武官有主射已督課

之軍屯吏騶宰永巷宮人皆有取其領事之號孟康曰皆有僕射隨所領之事以為號也若軍屯吏

則曰軍屯僕射永巷則曰永巷僕射

衛尉秦官掌宮門衛屯兵

師古曰漢舊儀云衛尉寺在宮內胡廣云主宮闕之門內衛士於周垣下為區廬區廬者若今之仗宿屋矣

有

丞景帝初更名中大夫令後元年復為衛尉屬官有公車司馬衛

士旅賁三令丞

師古曰漢官儀云公車司馬掌殿司馬門夜徼宮中天下上事及闕下凡所徵召皆總領之令秩六百石旅賁也賁與奔同言為奔走之任也

衛

士三丞又諸屯衛候司馬二十二官皆屬焉長樂建章甘泉衛尉

皆掌其宮

師古曰各隨所掌之宮以名官

職略同不常置

太僕秦官

應劭曰周穆王所置也蓋大御眾僕之長中大夫也

掌輿馬有兩丞屬官有大廄未央家

馬三令各五丞一尉

師古曰家馬者主供天子私用非大祀戎事軍國所須故謂之家馬也

又車府路軫騎馬

駿馬四令丞

伏儼曰主乘輿路車又主凡小車軫今之小馬車曲輿也師古曰軫音零

又龍馬閑駒橐泉駒駼承

華五監長丞

如淳曰橐泉殿在橐泉宮下駒駼野馬也師古曰閑闌養馬之所也故曰閑駒駼駼出北海中其狀如馬非野馬也駒音徒高反駼音塗

又邊

郡六牧師苑令各三丞

師古曰漢官儀云牧師諸苑三十六所分置北邊西邊分養馬三十萬頭

又牧橐昆蹏令丞

應劭曰橐橐佗昆蹏好馬名也蹏音啼如淳曰爾雅曰昆蹏研善升蹏者也因為廐名師古曰牧橐言牧養橐佗也昆獸名也蹏研者謂其蹏下平也善升蹏者謂山形如甌而能升之也蹏即

古蹄字耳研音五見反

皆屬焉中太僕掌皇太后輿馬不常置也武帝太

初元年更名家馬為柁馬

應劭曰主乳馬取其汁柁治之味酢可飲因以名官也如淳曰主乳馬以韋革為夾兜受數斗盛馬乳柁取其上把

因名曰柁馬禮樂志丞相孔光奏省樂官七十二人給大官柁馬酒今梁州亦名馬酪為馬酒晉灼曰柁音挺柁之柁師古曰晉音是也柁音徒孔反

初置路軫

廷尉秦官

應劭曰聽訟必質諸朝廷與眾共之兵獄同制故稱廷尉師古曰廷平也治獄貴平故以為號

掌刑辟有正左右監秩

皆千石景帝中六年更名大理武帝建元四年復為廷尉宣帝地

節三年初置左右平秩皆六百石哀帝元壽二年復為大理王莽

改曰作士

典客秦官掌諸歸義蠻夷有丞景帝中六年更名大行令武帝太

初元年更名大鴻臚

應劭曰郊廟行禮讚九賓鴻聲臚傳之也

屬官有行人譯官別火三令丞

如淳曰漢儀注別火獄令官主治改火之事

及郡邸長丞

師古曰主諸郡之邸在京師者也

武帝太初元年更名行

人為大行令初置別火王莽改大鴻臚曰典樂初置郡國邸屬少

府中屬中尉後屬大鴻臚

宗正秦官

應劭曰周成王之時彤伯入為宗正也師古曰彤伯為宗伯不謂之宗正

掌親屬有丞平帝元始四年更

名宗伯屬官有都司空令丞

如淳曰律司空主水及罪人賈誼曰輸之司空編之徒官

內官長丞

師古曰律歷志主分寸尺

又諸公主家令門尉皆屬焉王莽并其官於秩宗初內官屬少

府中屬主爵後屬宗正

治粟內史秦官掌穀貨有兩丞景帝後元年更名大農令武帝太

初元年更名大司農屬官有太倉均輸平準都內籍田五令丞

子孟康

曰均輸謂諸當所有輸於官者皆令輸其地土所饒平其所在時賈官更於佗處賣之輸者既便而官有利也

幹官鐵市兩長丞

如淳曰幹音筭或作幹幹主也

主均輸之事所謂幹鹽鐵而榷酒酤也晉灼曰此竹箭幹之官長也均輸自有令師古曰如說近是也縱作幹讀當以幹持財貨之事耳非謂箭幹也

又郡國諸倉

農監都水六十五官長丞皆屬焉驂粟都尉

服虔曰驂音搜狩之搜搜索也

武帝軍官

不常置王莽改大司農曰羲和後更為納言初幹官屬少府中屬主爵後屬大司農

少府秦官掌山海池澤之稅已給共養應劭曰名曰禁錢以給私養自別為藏少者小也故稱少府師古曰大司農供

軍國之用少府以養天子也有六丞屬官有尚書符節太醫太官湯官導官供音居用反養音弋亮反

樂府若盧考工室左弋居室甘泉居室左右司空東織西織東園

匠十二官令丞服虔曰若盧詔獄也鄧展曰舊洛陽兩獄一名若盧主受親戚婦女如淳曰若盧官名也藏兵器品令曰若盧郎中二十人主弩射漢儀注有若盧

獄令主治庫兵將相大臣臣瓚曰冬官為考工主作器械也師古曰太官主膳食又胞人都湯官主餅餌導官主擇米若盧如說是也左弋地名東園匠主作陵內器物者也

水均官三長丞師古曰胞人主掌宰割者也胞與庖同又上林中十池監師古曰三輔黃圖云上林中池上鑿五所而此云十

池監未詳其數又中書謁者黃門鉤盾尚方御府永巷內者宦者七官令丞

師古曰鉤盾主近苑囿尚方主諸僕射署長中黃門皆屬焉師古曰中黃門謂奄人

作禁器物御府主天子衣服也諸僕射署長中黃門皆屬焉居禁中在黃門之內給

事者也武帝太初元年更名考工室為考工左弋為伙飛居室為保宮甘泉居室為昆臺永巷為掖廷伙飛掌弋射有九丞兩尉太官七

丞昆臺五丞樂府三丞掖廷八丞宦者七丞鉤盾五丞兩尉成帝
建始四年更名中書謁者令為中謁者令初置尚書員五人有四
丞河平元年省東織更名西織為織室綏和二年哀帝省樂府王
莽改少府曰共工

中尉秦官掌徼循京師

如淳曰所謂遊徼徼循禁備盜賊也師古曰徼謂遮繞也徼音工鈞反

有兩丞候司馬千

人

師古曰候及司馬及千人皆官名也屬國都尉云有丞候千人西域都護云司馬候千人各二人凡此千人皆官名也

武帝太初元年更名執

金吾

應劭曰吾者禦也掌執金革以禦非常師古曰金吾鳥名也主辟不祥天子出行職主先導以禦非常故執此鳥之象因以名官

屬官有中壘寺

互武庫都船四令丞

如淳曰漢儀注有寺互都船獄令治水官也

都船武庫有三丞中壘兩尉

又式道左右中候候丞及左右京輔都尉尉丞兵卒皆屬焉

應劭曰式道凡

三候車駕出還式道候持麾至宮門門乃開師古曰式表也

初寺互屬少府中屬主爵後屬中尉自太常

至執金吾秩皆中二千石丞皆千石

太子太傅少傅古官屬官有太子門大夫

應劭曰員五人秩六百石

庶子

應劭曰員五人秩六百石

先馬

張晏曰先馬員十六人秩比謁者如淳曰前驅也國語曰句踐親爲夫差先馬先或作洗也

舍人

將作少府秦官掌治宮室有兩丞左右中候景帝中六年更名將

作大匠屬官有石庫東園主章左右前後中校七令丞

如淳曰章謂大材也舊將作大

匠主材吏名章曹掾師古曰今所謂木鍾者蓋章聲之轉耳東園主章掌大材以供東園大匠也

又主章長丞

師古曰掌凡大木也

武帝太初

元年更名東園主章爲木工成帝陽朔三年省中候及左右前後

中校五丞

詹事秦官

應劭曰詹省也給也臣瓚曰茂陵書詹事秩眞二千石

掌皇后太子家有丞

師古曰皇后太子各置詹事隨其所在以

名屬官有太子率更家令丞僕中盾衛率厨廩長丞

張晏曰太子稱家故曰家令臣瓚曰

茂陵中書太子家令秩八百石應劭曰中盾主周衛徼道秩四百石如淳曰漢儀注衛率主門衛秩千石師古曰掌知漏刻故曰率更自此以上太子之官也更音工衡反

又中長

秋私府永巷倉廩祠祀食官令長丞諸宦官皆屬焉

師古曰自此以成上皆皇后之官

帝鴻嘉三年省詹事官并屬大長秋

師古曰省皇后詹事總屬長秋也

長信詹事掌皇

太后宮景帝中六年更名長信少府

張晏曰以太后所居宮爲名也居長信宮則曰長信少府居長樂宮則曰長樂少府也

平帝元始四年更名長樂少府

將行秦官

應劭曰皇
后卿也

景帝中六年更名大長秋

師古曰秋者收成之時長者
恆久之義故以爲皇后官名

或用中人或用士人

師古曰中
人奄人也

典屬國秦官掌蠻夷降者武帝元狩三年昆邪王降

師古曰昆
音下門反復增

屬國置都尉丞候千人屬官九譯令成帝河平元年省并大鴻臚

水衡都尉

應劭曰古山林之官曰衡掌諸池苑故稱水衡張晏曰主都水及上林苑故
曰水衡主諸官故曰都有卒徒武事故曰尉師古曰衡平也主平其稅入

武

帝元鼎二年初置掌上林苑有五丞屬官有上林均輸御羞禁圃

輯濯鍾官技巧六殿辯銅九官令丞

如淳曰御羞地名也在藍田其土肥沃多
出御物可進者揚雄傳謂之御宿三輔黃

圖御羞宜春皆苑名也輯濯船官也鍾官主鑄錢官也辯銅主分別銅之種類也師古曰御宿則
今長安城南御宿川也不在藍田羞宿聲相近故或云御羞或曰御宿耳羞者珍羞所出宿者止
宿之義輯讀與輯同音集濯音直孝反皆所以行船也漢舊儀云天子六殿未央承華駙駘騎馬
輅輅大殿也馬皆萬匹據此表大僕屬官以有大殿未央輅駘騎馬駙駘承華而水衡又云六殿
技巧官是則技巧之徒供
六殿者其官別屬水衡也又衡官水司空都水農倉又甘泉上林都水七

官長丞皆屬焉上林有八丞十二尉均輸四丞御羞兩丞都水三

丞禁圃兩尉甘泉上林四丞成帝建始二年省技巧六廩官王莽改水衡都尉曰予虞初御羞上林衡官及鑄錢皆屬少府

內史周官秦因之掌治京師景帝二年分置左內史師古曰地理志云武帝建元六年置左右

內史而此表云景帝二年分置右內史武帝太初元年更名京兆尹張晏曰地理志云武帝建元六年置左右

表志不同又據史記知志誤矣曰莫之與京十億曰兆尹正也師古曰京大也兆者眾數言大眾所在故云京兆也屬官有長安市尉兩令丞又都水鐵

官兩長丞左內史更名左馮翊張晏曰馮翊也翊佐也屬官有廩犧令丞尉師古曰廩

主藏穀犧主養牲皆所以供祭祀也又左都水鐵官雲壘長安四市四長丞皆屬焉

主爵中尉秦官掌列侯景帝中六年更名都尉武帝太初元年更

名右扶風張晏曰扶助也風化也治內史右地屬官有掌畜令丞如淳曰尹翁歸傳曰豪彊有論罪輸掌畜

官使斫莖東方朔曰益為右扶風畜牧之所在也又有都水鐵官廩廚四長丞皆屬焉如淳曰五時在廩故有廚

與左馮翊京兆尹是為三輔服虔曰皆治在長安城中師古曰三輔黃圖云京兆在

風在夕陰街北入故主爵府長安以東為京兆皆有兩丞列侯更屬大鴻臚元鼎

四年更置三輔都尉都尉丞各一人自太子太傅至右扶風皆秩二千石丞六百石

護軍都尉秦官武帝元狩四年屬大司馬成帝綏和元年居大司

馬府比司直哀帝元壽元年更名司寇平帝元始元年更名護軍

司隸校尉周官

師古曰以掌徒隸而巡察故云司隸

武帝征和四年初置持節從中都官

徒千二百人

師古曰中都官京師諸官府也

捕巫蠱督大姦猾

師古曰督謂察視也

後罷其兵察三

輔三河弘農元帝初元四年去節成帝元延四年省綏和二年哀

帝復置但爲司隸冠進賢冠屬大司空比司直

城門校尉掌京師城門屯兵有司馬

師古曰八屯各有司馬也

十二城門候

師古曰門各有候蕭

望之署小苑東門候亦其比也

中壘校尉掌北軍壘門內外掌西域

師古曰掌北軍壘門之內而又外掌西域

屯騎

校尉掌騎士步兵校尉掌上林苑門屯兵越騎校尉掌越騎

如淳曰越人內

附以爲騎也晉灼曰取其材力超越也師古曰宣紀言飲飛射士胡越騎又此有胡騎校尉如說是

長水校尉掌長水宣曲胡騎師古